

Parto 1

Sceno 8 ok

Petro goes to a restaurant.

Petro: Mi estas malsata.
(*al la kelnero*) Bonvolu doni al mi sandviĉon.

Kelnero: Jen ĝi!

Petro: Dankon. Bonvolu doni al mi salaton.

Kelnero: Jen ĝi!

Petro: Dankon. Bonvolu doni al mi sukon.

Kelnero: Jen ĝi!

Petro: Dankon. Bonvolu doni al mi glaciaĵon.

Kelnero: Jen ĝi!

Petro: Dankon. Bonvolu doni al mi akvon.

Kelnero: (*ridas*)



Grammar and sentence forms

The infinitive: **-i** (e.g. doni)

The imperative: **-u** (e.g. donu)

The imperative with a second verb: **-u -i**

“Bonvolu **-i** ...”

Bonvolu doni al mi glaciaĵon.

“Donu al mi **-on**.”

Donu al mi sandviĉon!

9

Parto 1

Sceno 9 naŭ

Silvja gets some fruit for her getaway.

Silvja: Mi petas persikon, Paĉjo.

Reĝo: Jes! (*al la Reĝino*) Persikon!

Reĝino: Jen persiko.

Silvja: Dankon. Donu al mi prunon kaj vinberojn.

Reĝo: Jes. (*al la Reĝino*) Prunon kaj vinberojn!

Reĝino: Jen pruno kaj vinberoj.

Silvja: Dankon!

Sceno 10 dek

Korvaks orders Karlo to count trees, etc, in the garden.

Korvaks: Karlo!

Karlo: Jes?

Korvaks: Arboj!

Karlo: Arboj?

Korvaks: Jes. Kiom da arboj estas? Kalkulu!

Karlo: Unu, du, tri, kvar, kvin, ses, sep, ok, naŭ, dek.

The cat talks to the computer.

Kato: Kiom da arboj estas?

Komputilo: Unu, du, tri,
kvar, kvin, ses,
sep, ok, naŭ, dek.



Grammar and sentence forms

Numerals 1-10

Kiom da...? (a part of the whole)
Kalkulu, **kiom da** arboj estas?

10

Parto 1

Back in the garden.

Korvaks: Arbustoj! Kiom da arbustoj estas?

Karlo: Kiom? Du, kvar, ses, ok, dek!

Korvaks: Kaj kiom da floroj estas?

Karlo: Floroj?

Korvaks: Jes, jes! Kiom da floroj estas?

Karlo: Dek? Kvindek? Cent?
Mi ne scias!

Mi ne scias.



11

Parto 1

Sceno 11 dek unu

Petro arrives at a crossroads.

Petro: Mi ne scias.



Sceno 12 dek du

Karlo counts the flowers.

Karlo: Cent sep! Cent ok...

Silvja: Cent naŭ!

Karlo: Cent dek!

Silvja: Karlo, Donu al mi rozon,
...mi petas! Dankon!
Mi amas rozojn!

Karlo: Kaj mi amas vin!

Silvja: Ho, rigardu! Mi havas rozon. Mi havas prunon,
persikon kaj vinberojn.
Mi havas sandviĉon kaj mapon.

Karlo: Kaj mi havas... motorciklon!
Mi amas vin!

Silvja: Mi amas vin!

Ambaŭ: Ek! Ek!

Korvaks: Ne! Ne! Ne!
Mi amas la princinon.
Mi amas Silvjan!

*Numbers: 11-100 - 1000
dek unu - cent - mil*



*Transitive verbs
...-as -on.
Mi havas rozon.
Mi havas mapon.
Mi amas la princinon.*

12

Parto 1

Sceno 13 dek tri

Karlo kaj Silvja motorciklas.



Pronouns as direct objects:

min, vin
Mi amas vin.
Sekvu min.

Flexible word order:

Min amas vi.
Mi vin amas.

Silvja: A, E, I, O, U
Ni forkuru!
A, U, O, I, E
Kuraĝe!

Karlo: A, E, I, U, O
Ek antaŭen do!
I, O, U, E, A

Ambaŭ: Hura, hura, hura!

Silvja: A, U, I, O, E

Karlo: Mi vin amas tre!

Silvja: E, I, O, U, A

Ambaŭ: Mi amas...
A, E, O, U, I
Mi amas vin!

Reĝo: La ĝardenisto amas la princinon?

Korvaks: Jes, jes!

Reĝo: Ne, ne, ne!

Reĝino: La princino amas la ĝardeniston?

Korvaks: Jes, jes!

Reĝino: Ne, ne!

Reĝo: Ni iru. Sekvu min! Ek!

Reĝo kaj Korvaks: Ĝis revido!



13

Parto 2

Sceno 1

Karlo kaj Silvja motorciklas.

Karlo: Saluton!

Silvja: Saluton! Paĉjo, Panjo!

Karlo: Korvaks!

Reĝo: Silvja! Silvja!

Silvja: Ho, Panjo!

Reĝo: (al Karlo) Grrrr!

Karlo: Mi amas princinon
Silvja.

Reĝo: Arestu lin!

Korvaks: Arestu lin!


Generalo: Arestu lin!

Oficiro: Arestu lin!

Suboficiro: Arestu lin!

Soldatoj: Arestu lin! Arestu lin!
Arestu lin!...

Reĝo: Dankon, Korvaks.



*Imperative -u for orders,
addition of -n for direct object
Arestu lin!*



14

Parto 2

Sceno 2

En la malliberejo.

Oficiro: Nomo?

Karlo: Karlo.

Oficiro: Aĝo?

Karlo: Dudek.

Oficiro: Profesio?

Karlo: Ĝardenisto.

Oficiro: Forkonduku lin.

Korvaks: Numero dek naŭ.

Oficiro: Numero dek naŭ?

Oficiro: *(al la gardistoj)* Numero dek naŭ!

Gardistoj: Numero dek naŭ?

Gardistoj: Naŭ.

Dek.

Dek unu.

Dek du.

Dek tri.

Dek kvar.

Dek kvin.

Dek ses.

Dek sep.

Dek ok.

Dek naŭ.

Dudek.

Ho! Dek naŭ!

En la elo.

Karlo: Ah! Monstro!

Mazi: Saluton. Mi estas Mazi.
Granda Mazi.

